



H2H foundation
Adresa: Rruga Dervish Hima,
Pall Leskova, 8/3 , Tiranë



Komiteti Kombëtar i Digave të Mëdha
Adresa: Rruga Abdi Toptani, nr. 1, Tiranë

MARRËVESHJE BASHKËPUNIMI

MIDIS

KOMITETIT KOMBËTAR TË DIGAVE TË MËDHA

Dhe

H2H FOUNDATION

Pav Q

Neni 1 **Palët**

Palët në këtë Marrëveshje janë:

1. Komiteti Kombëtar i Digave të Mëdha (KKDM), me qendër në Tiranë, rruga *Abdi Toptani*, nr. 1, i përfaqësuar nga ing. Arjan Jovani, Kryetar.

1. Fondacioni me emërtimin H2H Foundation, me qendër në rrugën "Dervish Hima", pallati Leskova, shk.2, Ap.54, Tiranë, i përfaqësuar nga znj. Aurela Kalaja, Drejtore Ekzekutive;

Neni 2 **Qëllimi**

Kjo Marrëveshje ka për qëllim rregullimin e bashkëpunimit midis *Palëve*, si dhe përcaktimin e prioriteteve themelore të këtij bashkëpunimi, mbështetur në legjislacionin në fuqi, në parime dhe në interesa të përbashkëta.

Neni 3 **Parime bazë**

Parime themelore rregulluese për bashkëpunimin e *Palëve* janë *autonomia institucionale, interesi dhe respekti i reciprok*.

Neni 4

Drejtimet kryesore të bashkëpunimit të *Palëve* janë:

- a) Vendosja e një bashkëpunimi afatgjatë dhe institucional midis H2H Foundation dhe KKDM.
- b) Shkëmbimi njohurive teknike dhe ekipeve të specializuara dhe të kualifikuara në fushën përkatëse përmes një bashkëpunimi me interes të përbashkët.
- c) Përcaktimi i fushave të studimit me interes të përbashkët në disiplinat e sigurisë së digave, ndërtimit, projektimit, administrimit, monitorimit dhe heqjes fizike të digave që kanë humbur funksionin apo dobishmërinë ekonomike.
- d) Informimi reciprok mbi të rejat dhe zhvillimet e sektorit të digave të mëdha dhe më gjerë që paraqesin interes për aktivitetin institucional të *Palëve*.
- e) Shkëmbim të botimeve, rezultateve të punës studimore dhe shkencore, të dokumentacionit teknik informues dhe shkencor, standardeve teknike dhe udhëzuesve teknike të domosdoshëm për projektimin, monitorimin, shfrytëzimin dhe sigurinë e digave të mëdha të vendit, *në përputhje me standardet bashkëkohore Europiane e ato të miratuara nga Komisioni Ndërkombëtar për Digat e Mëdha (ICOLD)*;
- f) Organizimi i veprimtarive të përbashkëta shkencore: konferenca, forume, konsultime, seminare etj., për çështje të digave e të lidhura me to; për nderimin, vlerësimin dhe evokimin e meritave të figurave të shquara të inxhinierisë në fushën e projektimit dhe ndërtimit të digave si dhe bërjen të njohur të rëndësisë shkencore dhe ekonomike të veprave të mëdha ujore të sistemit unik energjetik, bujqësor dhe ujit të pijshëm;

- g) Nxitjen, mbështetjen dhe realizimin e veprimtarive të përbashkëta me interes reciprok.
- h) Krijimin e skuadrave dhe bashkëpunimeve intelektuale për të ndikuar në mirëqeverisje për çështje me karakter strategjik, si: aktivizimi i burimeve natyrore përpjesëtimisht me mbrojtjen e ekosistemeve; ndryshimet në hidrologjinë e rajoneve ku janë ndërtuar diga të reja;
- i) Shkëmbime të stafeve dhe eksperteve midis Palëve me qëllim zhvillimin e trajnimeve dhe kualifikimeve të mëtijshme të stafit nga të dy Palët
- j) *Mundësimin e projekteve dhe programeve të përbashkëta me interes të ndërsjellë. Palët mund të bashkëpunojnë duke u bazuar në legjisllacionin në fuqi për plotësimin e kushteve të Direktivës Kuadër të Ujit në fushën e digave dhe të rezervuarëve, krijimin e një inventari shterues për digat e mëdha të Shqipërisë që janë jashtë funksionit dhe për kryerjen e analizave dhe studimeve të përbashkëta për të ardhmen e tyre duke patur në fokus sigurinë e njerëzve në zonat poshtë digave, përmirësimin dhe mbrojtjen e mjedisit si dhe përmirësimin e cilësisë së jetës së banorëve në zonat ku do të shtrihen projektet.*

Neni 5

Detyrime e palëve

- a) *H2H FOUNDATION mirëpret pjesëmarrjen e anëtarëve të propozuar nga KKDM në konsultimet me institucionet dhe publikun, në seminare si dhe në inspektime të ndryshme në terren në varësi të projekteve që do të bashkëpunojnë.*
- b) *Me kërkesë të KKDM, H2H Foundation jep kontribut, sipas mundësive të tij, edhe për një bashkëpunim dhe pjesëmarrje të frytshëm me Komisionin Ndërkombëtar të Digave të Mëdha (ICOLD).*
- c) *KKDM mirëpret organizimin e bashkëpunimit me grupet e ekspertëve dhe konsulentëve të kualifikuar dhe të specializuar që janë pranë H2H Foundation në fushën e inxhinierisë, të mjedisit, Monitorimit dhe Sigurisë së digave dhe me kërkesën e tyre merr pjesë në veprimtaritë përkatëse.*
- d) *H2H Foundation merr përsipër të ofrojë realizimin e fushatave sensibilizuese për projekte me interes të përbashkët.*

Neni 6

Shkëmbimi i botimeve dhe i informacionit

Palët i sigurojnë njëra-tjetrës shkëmbimin e ndërsjellë të informacionit shkencor që ruhet në arkivat e tyre; të periodikëve që botojnë, të studimeve dhe raporteve.

Neni 7

Protokollet e bashkëpunimit

Me vullnetin e *Palëve* kësaj Marrëveshjeje i bashkëlidhen protokolle bashkëpunimi me afate realizimi që përcaktohen me diskutim mes tyre. Protokolle mund të nënshkruhen dhe për një veprimtari të vetme.



Neni 9
Njoftimet dhe komunikimi ndërmjet palëve

Palët angazhohen të mbajnë linja të hapura komunikimi në të gjitha nivelet dhe të shkëmbejnë çdo informacion të nevojshëm për punën e tyre.

Çdo njoftim dhe komunikim mes Palëve për këtë Marrëveshje duhet të jetë në formë të shkruar.

Komunikimet për efekt të kësaj marrëveshje do të kryhen drejtpërdrejt me përfaqësues të caktuar të H2H Foundation si dhe të KKDM.

Neni 10
Zgjidhja e mosmarrëveshjeve

Kjo Marrëveshje është çështje dypalëshe. Për paqartësitë dhe ankesat e mundshme Palët nuk kërkojnë apelim në ndonjë instancë tjetër. Mosmarrëveshjet midis Palëve zgjidhen me bisedime. Në rast të mosarritjes së dakordësisë për një periudhë njëvjeçare për çështje të diskutueshme, kjo Marrëveshje e humbet fuqinë.

Neni 11
Hyrja në fuqi dhe kohëzgjatja

Kjo Marrëveshje hyn në fuqi nga data e nënshkrimit

Ky memorandum ka fuqi veprimi për një periudhë 2 vjeçare me të drejte rinovimi, me përjashtim të rasteve kur ndërprerja vjen për shkak juridike të paparapara dhe kur:

- a) *Ndryshon statuti ligjor i institucioneve dhe ky ndryshim prek funksionet themelore të tyre, me efekt në Palën tjetër;*
- b) *Njëra nga Palët shpreh me shkrim dhe në mënyrë të arsyetuar shqetësimin për cënimin e interesave bazë të saj për shkak rrjedhojave të paparashikuar në procesin e plotësimit të kushteve të kësaj marrëveshje;*
- c) *Njëra nga palët ben një deklaratë publike për mungesë vullneti në vijimin e kësaj marreveshje .*

Marrëveshja nënshkruhet në dy kopje, të dyja në gjuhën shqipe, një për secilën Palë, me vlerë të barabartë.

Për:

Komitetin Kombëtar të Digave të Mëdha

H2H Foundation

Kryetar

Drejtor Ekzekutiv

Ing. Arjan JOVANI,

Aurela Kalaja

Tirane, 28.08 / 2023

